

UKIUMUT MISSINGERSUUSIORFIUSUMUT 2003-IMUT ATAATSIMOOR- TUMIK TAPISSUTISSAT ISUMAQATIGIINNIUTIGINEQARNERAT

I. Tamanut tunngatillugu

Naalackersuisut Kalaallit Nunaanni Kommuuneqarfiit Kattuffiata isumaqatigiinniarnernut tunngaviuvoq aningaasatigut siumut missingersuusiortarnissamut isumaqatigiissut 1996-imeersoq. 2003-imut ataatsimoortumik tapiissutissat isumaqatigiissutigineqarnissaat siunnerfigalugu aningaasanik ataatsimoortumik soqutigisat oqaloqatigiissutiginiarlugit atorfillit aningaasatigut siumut missingersuusiortussaataitaqatigiit februar 2002-ip kingornagut naapillattaartarsimapput.

Aningaasatigut siumut missingersuutit pillugit isumaqatigiinniarnernit pisimapput politikikkut 2001-imi ukiaanerani oqariartuutigineqartartut aallaavigalugit.

Illuatungeriit isumaqatigiissutigaaat ukiuni arlalinni kalaallit inuiaqatigiit aningaasaris-saarsimanerat akileraarutitigut isertitat qaffakkiartorluarsimallutik aammalu suliffissaaleqineq annertugisasaanani. Aammattaaq illuatungeriit isumaqatigiissutigaaat malunnarluartoq Kalaallit Nunaata piffissamut aningaasatigut kigaallakkiartulerfimmuut iseriartulnerna.

Aningaasaqarneq killormut saappat kommuunit suliffissaaleqisunut aningaasartuutigisartagaat, tassa pisortanit ikiuutitigut suliffissaqartitsiniutitigullu, qaffakkiartulissapput. Tamatuma kingunerisinnaavaa aningaasat tigorianaanaat annikillinerat aammalu immaqa kommuunit missingersuutigisartagaasa amigartooruteqalernerat. Illuatungeriinnit isumaqatigiissutigineqarpoq kommuunit aningaasaqarnertik patajaallisaavigisariaqaraat aningaasarliulerumaarnissaq sillimmartaarfingineqarsimaniassammat.

Illuatungeriinnit isumaqatigiissutigineqarpoq 2002-imi upernaakkut ataatsimiinnermi Inatsisartut Meeqqat Atuarfiannut peqqussutissamik nutaamik akuersissuteqarnerisigut "Atuarfitsialaap" pilersinneqarnissaa kommuuninut aningaasartornarnernumaartoq, nalunaaquttap akunneri atuartitsiviusussat amerlinerisigut aammalu atuarfimmuut siulersuisuni atuartut issiatitarisartagariligassaasa akissaasersuiffingineqarnerisigut. Illuatungeriit isumaqatigiissutigaaat aningaasartuutiginerulikkatik kommuunit tamakkiisumik matussutissiiffigitissagaat.

2002-mi ukiakkut inatsisartut ataatsimiinnissaannut meeqqat inuusuttullu pillugit peqqussutissamut nutaamut siunnersuut Naalackersuisunit saqqummiunneqassaaq. Illuatungeriinnit isumaqatigiissutigineqarpoq peqqussutissap nutaap malitsigisaanik kommuunit aningaasartuutigineruligassatik matussutissiissuteqarfigitittariaqaraat.

Meeqqanut inuusuttunullu ikiuinnermut tunngaviup minnerpaamik iliuseqartussaannermit pisariaqartitsineq malillugu iliuseqartussaannermit Inatsisartut peqqussutaata allanngortitsissutigisussaavaa. Allanngoriaaterpaaluit peqqussutissap imarisussaavai, taakkulu kommuuninut aningaasartuuteqarnerulersitsissapput, soorlu inuttut siunnersorteqarnerit, oqilisaassivigineqarnerit, efterskolimiinnerit, ilaqutariinni suliarivillugu paaqqutarinnittuinnerit aammalu meeqqat qitornarsiat tamakkerlutik pilersorneqarnerisa uuttuiffigineqartarnissaa.

Aammattaq 2002-mi Inatsisartut ukiaanerani ataatsimiinneranni inissianik attartorneq pillugu nutaamik peqqussutissatut siunnersuutip saqqummiunnissaa Naalakkersuisut naatsorsuutigaat. Illuatungeriinnit isumaqatigiissutigineqarpoq peqqussutissap kingunerisaanik kommuunit aningaasartuutigineruligassaminnut matussutissiivigineqartassat.

Kommuunit aningaasartuuteqarnerulersussaassapput, tassa ikiortariaqartunut inissiisarnermut nutaamik malittarisassat kingunerisassaannik, aningaasaliissutinit pissarsiassat annerpaaffissaliivigineqarnerata kingunerisaanik, qularnaveeqqussiissutissanut taarsigasarsisarnissamut nutaamik malittarisassaqaalernissaata kiisalu aqqissuussinerup aquneqarnissaata kingunerisaanik.

Isumaqatigiissutigineqarpoq ukiumut aningaasatigut siumut missingersuuteqarfimmut 2005-imut kommuunit Namminersorerullutillu Oqartussat ataatsimoortumik tapiissutissanik isumaqatigiinniarnissaannut atatillugu kommuuninut matussutissiissutigineqartussap annertussusissaa pillugu apeqqut isumaqatigiinniutigineqassasoq. Inissianik attartorneq pillugu inatsisartut peqqussutaata allanngortinneqarnissaanik siunnersuutip atuutilerfianiit kommuunit aningaasartuutigineruligassatik matussutissiivigitissavaat. Matussutissiissutissat annertussusissaat aalajangersarneqassaaq kommuunit 2003-mi aningaasartuutiginerusimasaasa naatsorsorneqarnerat aallaavigalugu.

2003-imi meeqqat inuusuttullu ulloq unnuarlu angerlarsimaffinniitsinneqartarnerinut akiliutigineqartartussat annertussusissaat missingersuutissaallu illuatungeriinnit isumaqatigiissutigineqarput. Peqatigitillugulu isumaqatigiissutigineqarpoq 2001-imi 2002-milu missingersuutininik sippuisimanernut pissutaasut erseqqissitinneqarnerunissaannut pisariaqartitsineqartoq, misissuinerillu taakkua tunngavissiiinnaassasut ukiumut missingersuuteqarfimmut 2004-imut kommuunit Namminersorerullutillu Oqartussat ataatsimoortumik tapiissutissanik isumaqatigiinniarninerinut atatillugu akiliutigineqartartussat isumaqatigiinniutigineqarsimanerisa qaqqeqinneqarnissaanut.

II. 2003-imut aningaasanut inatsisissamut siunnersuummut atatillugu tigussaasumik isumaqatigiinniutissat.

Atuarfitsialaap pilersinneqarnerani aningaasartuutaanerulersussat

Inatsisartut 2002-mi upernaakkut ataatsimiinneranni Meeqqat Atuarfiannut peqqussutissap 1.8.2003-mi atuutsinneqalernissaanik akuersissuteqarnerisa kingunerisaanik kommuunit aningaasartuutigineruligassatik tamakkiisumik matussutissiissuteqarfigitissagaat illuatungeriinnit isumaqatigiissutigineqarpoq.

Illuatungeriinnit isumaqatigiissutigineqarpoq 2003-imi kommuunit 2.823.000 kr.-nirik matussutissiivigineqassasut nalunaquttap akunnerisa amerleriarnernit matussutissanik, tamatuma saniatigut kommuunit atuartut atuarfiit siulersuisuini issiatitaqartalernissaannut akissaasersuinissaminnut ukiumut atuarfiusumut ataatsimut 128.000 kr.-nirik matussutissiivigineqartassapput. Ataatsimoortumik tapiissutit 2003-mi atuartut sinniisaannut 1.8.2003-mit aningaasartuutissanik katillugit 53.000 kr.-nirik qaffaavigineqassapput.

KANUKOKA-mit, Aningaasaqarnermut pisorta qarfiup Isumaqatigiinniartarfianit kiisalu Kulturimut, Ilinniartitaanermut Ilagiinnullu pisorta qarfiimut peqataaffigineqartumik suleqatigiissitaliortoqarpoq. Suleqatigiissitap suliassaraa IMAK-imut tunngassuteqartut suliffigisartagassaasa 1.8.2003-imit atuutilersussamik nutaamik isumaqatigiissuteqarfigineqarnissaanut siunnersuusiornissaq. Suleqatigiissitamut piginnaatitsissutaavoq suliffigisartagassanut massakut isumaqatigiissutaasunut aammalu atuarfik pillugu peqqussummut massakut atuuttumut naleqqiulluni suliffigisartagassat pillugit nutaamik isumaqatigiissutissaq aningaasartuutaasartunik nikisitsissanngitsoq. IMAK-imut isumaqatigiinniarnernit kommuunit aningaasartuuteqarnerulernissaannik kinguneqassappata isumaqatigiissutigineqarpoq aningaasartuutissanut taakkununga kommuunit aamma matussutissiivigineqartariaqarnerat. Suliffigisartagassat nutaamik isumaqatigiissutigineqarpata immaqa iluarsisuteqartariaqarnissaq isumaqatigiissutigineqassaaq.

Meeqqat inuusuttullu pillugit Inatsisartut peqqussutaat

Meeqqat inuusuttullu pillugit inatsisartut peqqussutissaattut siunnersuut nutaaq Naalakkersuisut 2002-mi ukiaanerani ataatsimiinneranni saqqummiutissavaat. Illuatungeriit isumaqatigiissutigaaq peqqussutissap nutaap kingunerisaanik kommuunit aningaasartuutigeruligassaat kommuuninut matussutissiisutigineqartassasut.

Meeqqanut inuusuttunullu ikiuinnermut tunngaviup minnerpaamik iliuuseqartussaannermit pisariaqartitsineq malillugu iliuuseqartussaannermut Inatsisartut peqqussutissaattut siunnersuutip allanngortitsissutigisussaavaa. Allanngoriaaterpaaluit peqqussutissap imarisussaavai, taakkulu kommuuninut aningaasartuuteqarnerulersitsissapput, soorlu inuttut siunnersorteqarnerit, oqilisaassivigineqarnerit, efterskolimiinnerit, ilaqutariinni suliarivillugu paaqqutarinnittuniinnerit aammalu meeqqat qitornarsiat tamakkerlutik pilersorneqarnerisa uuttuiffigineqartarnissaa. Aningaasartuutaanerulersussat taakkua matussutissiivigineqarnissaannut ukiumut kommuuninut ataatsimoortumik tapiissutit 15,9 mio. kr.-nirik qaffaavigineqassapput.

Illuatungeriit isumaqatigiissutigaaq peqqussutissap nutaap kingunerisaanik kommuunit aningaasartuutigerulersimasassa 2006-imi kommuuninut ataatsimoortumik tapiissutissat isumaqatigiinniutigineqarnerinut atatillugu naatsorsuusiorneqassasut. Naatsorsuusiamut ilaatinneqassapput meeqqanut inuusuttunullu tunngassuteqartut tamarluinnarmik, tassa imaappoq timalersuiniarnermi aamma isiginiarneqassapput suliassa qarfitsigut allatigut kommuunit ileqqaarutigisinnaasaat, soorlu ulloq unnuarlu angerlasimaffinnut meeqqanik ikinnerusumik inissiissarnerni.

Illuatungeriit aammattaaq isumaqatigiissutigaaq suliarivillugu angajoqqaarsiat kiisalu kommuunini sullissisut pikkorissartinneqartassasut, angajoqqaarsiassanik pissarsiniartarneq ilitsersuisarnissarlu pikkorissatigitinneqartassallutik. Pikkorissartitsisarnerit ineriarni

tortinneqarnissaat, ingerlanneqartarnissaat aningaasalersuiffigineqartarnissaallu Namminersornerullutik Oqartussanit isumagineqartassaaq.

Akit aningaasarsiallu iluarsiivigineqartarnerat

Isumaqatigiissutigineqarpoq akit akissarsiallu qaffattarnerinut kommuunit matussutissaatut ataatsimoortumik tapiissutaasartut 2003-mi 23,2 mio. kr.-ninik qaffaavigineqassasut, tassa 3,28%-tip nalinganik.

Atuarfimmi akit.

Annertusisamik immikkut atuartitsinerlut ilinniartitsisumut skiimalerlugu nalunaaquttap akunneranut ataatsimut ukiumut 2003-mi 13.059 kr.-niutinneqassasooq aalajangiunneqarpoq, atuartumullu kommuunerisami avataani atuartinneqartumut ilinniartitsisumut skiimalerlugu nalunaaquttap akunneranut ukiumut 38.874 kr.-niunissaa aalajangiunneqarluni.

Illuatungeriinnit isumaqatigiissutigineqarpoq iluarsiiisoqassasooq imatut pisoqarpat:

- IMAK-ip isumaqatigiinniarneri 1.4.2003-mit atuutilersumik procentinit nalinginnaasumik qaffaatigitinneqarsimasunit allaanerussuteqangaatsiarpata.
- Suliffigisartagassat pillugit nutaamik isumaqatigiissutip 1.8. 2003-mi kingunerissapagit akit naatsorsorneqartarnerinut tunngaviit annertuutigut allannguuteqarnissaat.

Iluarsiissuteqarnissat pissapput ukiumut missingersuusiortiffissamut 2004-imut ataatsimoortumik tapiissutissat isumaqatigiinniutigineqarnissaannut atatillugu.

Meeqqanut inuusuttunullu ulloq unnuarlu angerlasimaffiit

Meeqqanut inuusuttunullu ulloq unnuarlu angerlasimaffiit 2003-imut missingersuutissaat Namminersornerullutik Oqartussat KANUKOKA-llu suleqatigiinnerisigut isumaqatigiissutigineqarput.

Isumaqatigiissutip kinguneraa meeqqat angerlasimaffiinnut nalinginnaasunut akiliutissat 2003-mi ullormut 607 kr.-niutinneqarnissaat kiisalu katsorsartittarfinnut ullormut 819 kr.-niutinneqarnissaat.

Meeqqanut inuusuttunullu ulloq unnuarlu angerlasimaffiinnut missingersuutit 50%-tii ataatsimoortumik tapiissutit appartinneqarnerisigut aningaasalersorneqartarmat peqatigitillugu isumaqatigiissutigineqarpoq 2003-mi kommuuninut ataatsimoortumik tapiissutissat 7.725.000 kr.-ninik appartinneqarnissaat.

Tamatuma saniatigut isumaqatigiissutigineqarpoq Namminersornerullutik Oqartussat ingerlaavartumik missingersuutit misissuiffigisassagai qaammatikkaartumik aningaasatigut siumut missingersuutit malinnaassutiliorfigisarnerisigut, taakkulu ulloq unnuarlu angerlasimaffiinnut nassiunneqartassallutik nuutinnerallu KANUKOKA-mut ingerlatinneqarluni.

Isumaqatigiissutigineqarpoq Namminersornerullutik Oqartussat KANUKOKA-llu suleqatigiillutik meeqqanut inuusuttunullu ulloq unnuarlu angerlasimaffiinnut aningaasartuutit ukioq kingulleq qaffassimanerannut pissutaasut qulaajaaviginiassagaat, misissuinerillu

taakkua ukiumut missingersuuteqarfimmut 2004-imut ataatsimoortumik tapiissutissat kommuuninit Namminersornerullutillu oqartussanit isumaqatigiinniutigineqarnerinut atatillugu akit isumaqatigiinniutigineqarsimanerisa qaqeqqinneqarnissaannut tunngavis-sannngorsinnaassasut.

Peqatigitillugu illuatungeriinnit isumaqatigiissutigineqarpoq ulloq unnuarlu angerlarsi-maffiit ingerlanneqarnerinut aqqissuugaanerup allanngortinneqarnissaata suliarineqarne-ra ingerlateqqinneqassasoq, anguniarlugu Namminersornerullutik Oqartussat ungasinne-rusoq isigalugu ulloq unnuarlu angerlarsimaffinnik aningaasatigut naammaginarnerusu-mik ingerlatsilernissaat.

Kiisalu isumaqatigiissutigineqarpoq malersueqqinnerup takutissappagu atuiniviup anin-gaasatigut siumut missingersuutinit nikinganerunissaata naatsorsuutigineqartariaqarnera, taava ulloq unnuarlu paaqqinniffinni atuneq aamma / imaluunniit taakkununga akiliu-taasartut iluarsivigineqassasut appartillugit imaluunniit qullartillugit.

Inissianik attartorneq pillugu Inatsisartut peqqussutaat

2002-mi Inatsisartut ukiakkut ataatsimiinissaannut Naalakkersuisut inissianik attartorneq pillugu allannguutissatut siunnersuummik saqqummiussissapput. Illuatungeriinnit isu-maqatigiissutigineqarpoq peqqussutip allanngortinneqarnerata malitsigisaanik kom-muunit aningaasartuutiginerulikkaminut matussutissiivigineqassasut.

Kommuunit aningaasartuuteqarnerulissapput, tassa aningaasaliissutinit pissarsiassat qaf-fasinnerpaaffissaata qummut killissaliivigineqarnerata malitsigisaanik aammalu qular-naveeqqusiussassanut taarsigassarsiaasartunut nutaanik malittarisassaqaqalernerata kin-gunerisaanik. Taakkua saniatigut kommuunit aammattaq ikiortariaqartunut innersuus-sisarnermut malittarisassat nutaat kingunerisaanik aammalu aqqissuussinerup aqun-neqarnissaata kingunerisaanik aningaasartuuteqarnerulersinnaapput.

Isumaqatigiissutigineqarpoq ukiumut aningaasatigut siumut missingersuuteqarfimmut 2005-imut kommuunit Namminersornerullutillu Oqartussat ataatsimoortumik tapiissutis-sanik isumaqatigiinniarnissaannut atatillugu kommuuninut matussutissiissutigineqartus-sap annertussusissaa pillugu apeqqut isumaqatigiinniutigineqassasoq. Inissianik attar-torneq pillugu inatsisartut peqqussutaata allanngortinneqarnissaanik siunnersuutip atuutilerfianiit kommuunit aningaasartuutigineruligassatik matussutissiivigitissavaat. Matussutissiissutissat annertussusissaat aalajangersarneqassaaq kommuunit 2003-mi an-ingaasartuutiginerusimasaasa naatsorsorneqarnerat aallaavigalugu.

Utoqqalinersiutisisarnermut malittarisassat allannguuteqarsimasut

Ukiumut 2000-imut missingersuutininut ataatsimoortumik tapiissutissat isumaqatigiinni-utigineqarnerinut malitsigititatut, tassa taamanikkut isumaqatigiinniutigineqarsimammat utoqqalinersiaqalertarnerup 63-nut qaffanneqarnerata kingunerisaanik matussutissiissutis-saq, malittarisassat allannguuteqarsimanerini kommuuninut aningaasatigut kingunerisi-masat kommuunit Namminersornerullutillu Oqartussat malissimavaat.

2003-mut isumaqatigiissutigineqarpoq siusinnerusukku 2 mio. kr.-nini matussutissiis-suteqarnissamik isumaqatigiissutaasimasup ingerlateqqiinnarneqarnissaa.

2004-mut ukiunullu aggersunut matussutissiisutigineqartartussat pillugit apeqqut ukiu-mut missingersuuteqarfimmut 2004-imut ataatsimoortumik tapiissutissat isumaqatigiinni-utigineqarneranni isumaqatigiinniutigineqarumaarput.

Siusinaartumik soraarnerussutisiallit aningaasalersuiffigineqarnerisa allanngortin-neqarsimanera

2001-imut 2002-mullu kommuuninut ataatsimoortumik tapiissutissat isumaqatigiis-utigineqarsimanerat naapertorlugu, tassani pineqarluni kommuunit 10%-imik siusinaar-tumik soraarnerussutisianut aningaasaliisarnerisa 50%-inut allanngortinneqarnissaa, sius-innerusukku isumaqatigiissutigineqarsimavoq kommuuninut ataatsimoortumik tapiissu-taasartut qaffaavigineqarnissaat, allanngortiterinermut kommuunit qaninnerusumut un-gasinnerusumullu tamakkiisumik matussutissiivigineqartussanngorlugit.

Ukiuumut missingersuuteqarfimmut 2003-mut isumaqatigiissutigineqarpoq kommuuninut ataatsimoortumik tapiissutit tamanna tunuliaqutaralugu 4.004.000 kr.-nini qaf-faavigineqassasut.

Aammattaaq isumaqatigiissutigineqarpoq Namminersornerullutik Oqartussat kom-muunillu suleqatigiillutik kommuunit nalunaaruteqartarnissaat periusissiorfigissagaat, taamaalillutik siusinaartumik soraarnerussutisiallit tamakkerlutik amerlassusaasa inger-laavartumik takussutissaqarfigineqartarnissaa qulakkeersimaneqalerniassamat. Paasis-sutissat CPR-registrant-imiissapput, aammalu ingerlaavartumik malersorneqaqqittarnissaat eqqarsaatigalugu ukiumi sorlermi soraarnerussutisiap tunniunneqartalersimaneranut agguataarsimassallutik. Paasisutissat nassatarisinnaavaat ukiuni siuliini matussutissiisutaasimasup iluarsivigineqarnera. Paasisutissat sapinngisamik qarasaasimiitinniarneqassapput.

III. Siunnerfigeqatigiiffigiumasat

Makkua siunnerfigeqatigiiffigiumallugit illuatneriit isumaqatigiissutigaa:

Atuarfiit iluarsaanneqarnissaat

Ukiuumut missingersuuteqarfimmut 2000-imut ataatsimoortumik tapiissutissat isu-maqatigiissutigineqarneranni isumaqatigiissutigineqarsimavoq ukiut tamaasa ukini 2000-2003 atuarfiit iluarsaanneqarnissaannut kommuunit 9 mio. kr.-nit ilangaaqusiissutigisas-sagaat.

2003-mi Aningaasanut inatsisissamut siunnersuummi Naalakkersuisut siunnersuutigaat atuarfiit iluarsaanneqarnissaannut 2003-mi 7,0 mio. kr.-nini illuartitsisoqarnissaa. Naa-lakkersuisut siunnerfigaat 2003-imut Aningaasanut inatsisissamut siunnersuutit al-lannguutissaannik siunnersuusiornissartik, tassa atuarfiit iluarsaanneqarnissaannut anin-gaasaliissutinik katillugit 27 mio. kr.-nit tungaannut qaffasissuseqalersitsisussanik.

Akilersuutininut akiitsut

Illuatungeriit isumaqatigiissutigaaq akilersuutininut akiitsut annertusigaluttuinnarnerat kommuuninut ajornartorsiutaasoq.

Illuatungeriit Namminersornerullutik Oqartussanit KANUKOKA-millu ilaasortalimmik misissueqqissaartussamik suleqatigiissitaliorput. Isumaqatigiissutigineqarpoq misissorneqassasoq isumaginninnermi inatsisit allannguiffigineqarnissaat pisariaqartinneqarnerasoq, tassa pisortanit ikiuutit aqutigalugit ingerlaavartumik akilersuutigineqartut akilerneqartarnissaat periarfissiiviginiarlugu, taamatullu aamma naliliiviginiarlugu pisariaqartinneqarnerasoq akilersuutit qaqugu isumakkeerneqartarnissaannut malittarisassanik erseqqis-sunik aalajangersaasoqartariaqarnerasoq. Aammattaaq isumaqatigiissutigineqarpoq akilersuutit tiguniarneqartarnerinut atatillugu akiliisitsisoqartarnissaa periarfissaqarfigineqarnerasoq misissuiffigineqarluassasoq.

Inatsisit nutaat

Illuatungeriinnit isumaqatigiissutigineqarpoq nutaanik inatsisiliat atulersinneqartinnagit inatsisissat nutaat kommuuninut allaffissornikkut aningaasatigullu qanoq kinguneqarnissaat qulaarsiviginiarneqaaqartassasoq. Taamaalillutik Namminersornerullutik Oqartussat ukiumoortumik suliniutissat inatsisiliassallu pilersaarusiortfigisarnerisigut pingaarnerusutigut politikikkut suliniutissat nakussassaavigalugillu erseqqissitinniartalis-savaat. 2003-mi inatsisiliassat pilersaarusiorniarnearnerannut Namminersornerullutik Oqartussat KANUKOKA akuutinniassavaat, tassa inatsisiliassat 2003-mi ukiakkut 2004-milu upernaakkut Inatsisartuni oqaluuserineqarumaartussat pillugit.

Suliassani KANUKOKA tusarniaavigineqassatillugu Naalakkersuisut KANUKOKA-llu isumaqatigiissutigaaq tusarniaaneq sivikinnerpaamik sapaatit akunnerini sisamani sivisususeqartinneqartassasoq. Suliassani kommuuninut annertuumik pingaaruteqartuni Naalakkersuisut anguniarusuppaat tusarniaanerit julip qaammataani ingerlanneqartannginnissaat.

Annertusisamik immikkut atuartitsineq

Illuatungeriit miserratiginngilaat annertusisamik immikkut atuartitsinermut aningaasartuutaasartut ullumikkut Namminersornerullutik Oqartussanit akilerneqartartut kommuuninut naligiinneqisumik agguanneqartartut.

Taamaattumik illuatungeriit isumaqatigiissutigaaq annertusisamik immikkut atuartitsinermut akisussaaffimmik nuussinermi allanngortitsinissaq imatut piareersaavigineqartariaqartoq allanngortitsineq kommuuninut ataasiakkaanut aningaasatigut annertuumik kinguneqartussaajunnaarlugu. Immaqa tamanna pisinnaavoq tapiissuteqartarnermi malitassat ataatsimoortumik tapiissuteqariaatsimi atuutsinneqartut iluarsaassivigineqarnerisigut. Illuatungeriilli isumaqatigiissutigaaq ataatsimoortumik tapiissutissanik agguassarnissamut malitassat pisariitsuullutillu paasiuminartuunissaat.

Kuuffiit iluarsaanneqarnissaat

Illuatungeriinnit isumaqatigiissutigineqarpoq kuuffiit qanoq suli siviutigisumik piusinnaanerit pillugu sumulluunniit attaveqanngitsumik misissuisitsisimaneq 2002-imi ta-

manut tusagassiarineqartoq kommuuninut matussutissiinissamut kisimiilluni tunngavigineqarsinnaanngitsoq. Taamaattumik isumaqatigiissutigineqarpoq tamatuma isumaqatigiinniutigineqarqinnissaa aatsaat pissasoq 2004-imut ataatsimoortumik tapiissutissat isumaqatigiinniutigineqarnissaannut atatillugu, aammalu KANUKOKA isumaqatigiinniarnernut tunngavissatut kommuuninut attaveqassasoq paasissutissanik nalunaarusiap eqikkaassutigisimasaanut naliliissutigineqarqittussanik pissarsiniarluni, aammalu kuuffiit iluarsaaneqarnissaannut aningaasaliissutissat tullerriarneqarnissaannut tunngavissiisus-sanik paasissutissanik tunngavissiisinnaasunik pissarsiorluni.

Erngup aqqutai

Sanaartorfissagissaanermut suliassat nammagassallu agguataarneqartarnerat Naalakkersuisut KANUKOKA-llu 15. oktober 1997-imi nutaamik isumaqatigiissuteqarfigisimavaat. 2003-mut ataatsimoortumik tapiissutissat isumaqatigiinniutigineqarnerinut atatillugu uppersineqarsimavoq isumaqatigiissutip immikkoortuisa ilaasa qanoq paasineqarnissaat isumaqatigiinngissutigineqartoq.

Illuatungeriinnit isumaqatigiissutigineqarpoq 2002-mi suleqatigiissitaliortoqarnissaa, taassuma qulaarsiviginiassallugit innaallagissap aqqutaanik erngullu aqqutaanik piler-sitsinissanut aningaasaliissutitut pigineqareersut periarfissarititaat killissarititaallu. Suleqatigiissitaq KANUKOKA-mit, Aningaasaqarnermut pisortaqarfimmit IAPP-millu ilaasortaaffigineqarpoq.

Ilitsersuisarnej – nammineerluni illuliat

Illuatungeriit siunnerfigaat nammineerluni illuliornermi ilitsersuisarnerup kommuunit tiguneqarqinnissaa. Suliassap tiguneqarnissaani atugassarititaasussat pillugit Ineqarnermut Attaveqaateqarnermullu Naalakkersuisoqarfiup KANUKOKA-llu isumaqatigiinniarnissaat 2002-mi aallartinneqassaaq. Ilitsersuisarnermut aningaasartuutaasartussat sanaartukkat ataasiakkaat malittartussaassavaat, taamaattumik naatsorsuutigineqarani suliassap ukiuni aggersuni ataatsimoortumik tapiissutit isumaqatigiinniutigineqartarnerannut ilaatinneqartarnissaa.

Naatsorsueqqissaarutiniq nalunaarutiginnittarnissaq

Nuna tamakkerlugu isumaginninnikkut naatsorsueqqissaarutit sanarfineqarsimanerannit misilittakkat tunngavigalugit illuatungeriit uppersinisinnaasimavaat nalunaarutiginnissutit kommuunit edb-leverandøriinut isumagineqarsimasut takujuminarnerpaajusartut aammalu Kalaallit Nunaanni Naatsorsueqqissaartarfimmut paasissutissanik passussinissamut ingerlatitseqqiinissamullu periarfissiilluarnerpaasarlutik.

Misilittakkat taakkua tunngavigalugit kiisalu aamma kommuunit nalunaarutiginninniar-tarnerminni oqilisaassivigineqarnissaannik kissaatigisaq tunngavigalugu siunner-suutigineqassaaq paasissutissiissutinik anisitsisarnerpagaaluit kommuuninut edb-leverandøriinut ataatsimoortillugit isumagisassatut suliarineqartalernissaat.

Taamaattumik illuatungeriit isumaqatigiissutigaat isumaqatigiissummut atatillugu 100.000 kr.-niniq illuartitsisoqarnissaa, tassa siunertamut tassunga atorneqartussanik.

KANUKOKA-p tusarniaavigineqareerneratigut aningaasat Aningaasaqarnermut pisortaqarfimmit timitalersorneqassapput.

Isumaqatigiinniartartoqatigiit

Isumaqatigiinniartarnerit suleqatigiiffigineqarnerulernissaata isumaqatigiissuteqarfigineqarnissaa 2002 naatinnagu pissasoq illuatungeriit naatsorsuutigaat, taanna Inatsisartut 2002-mi upernaakkut ataatsimiinneranni inatsisissatut siunnersuummut saqqummiunneqarsimasumut Inatsisartunilli akuersissutigineqarsimanngitsumut taartaalluni atuutilersussaassaaq.

Suleqatigiinnissamut isumaqatigiissutip imarissavai inatsisissatut siunnersuummi sammineqartut assingi.

Aammattaaq illuatungeriit isumaqatigiissutigaat isumaqatigiissummut atatillugu 900.000 kr.-nirik illuartitsisoqarnissaa, Isumaqatigiinniartarnermut immikkoortortaqaqarfiup inuttarqarnerata nakussassaavigineqarnissaa siunnerfigalugu. Taamaattumik Naalackersuisut siunnerfigaat FFL 2003-imut allannguutissamik siunnersuuteqarnissaq, tamatuma nassatarissallugu KANUKOKA-p immikkoortortaqaqarfiup sallinngortinneqarnissaanik kissaataata piviusunngortinneqarnissaa.

Inatsisartut akuersinissaat

Isumaqatigiissutip matuma imaanut aalajangiisuusussaapput oqaluuserisassat arlallit Naalackersuisunit inatsisissatut peqqussutissatullu Inatsisartunut oqaluuserisassanngortinneqarsimasut, ilaatigut pisortanit soraarnerussutisiat pillugit inatsisartut peqqussutaata allanngortinneqarnissaanik siunnersuut, inissianik attartorneq pillugu inatsisartut peqqussutaata allanngortinneqarnissaa, meeqqat inuusuttullu pillugit inatsisartut peqqussutaata allanngortinneqarnissaa aamma 2003-imut aningaasanut inatsisissatut siunnersuut. Inatsisartuni oqaluuserinnineq annertuunik allannguuteqartitsissappat illuatungeriit nutaamik isumaqatigiinniaqqikkumaarput.

Nuummi ulloq 20. september 2002

Augusta Salling
Aningaasaqarnermut Naalackersuisoq

Jens-Lars Fleischer
Kalaallit Nunaanni Kommuneqarfiit Kattufiata siulittaasua